

গণপ্রজাতন্ত্রী বাংলাদেশ সরকার
মহিলা ও শিশু বিষয়ক মন্ত্রণালয়
পরিকল্পনা-১ শাখা।

বিষয়ঃ মহিলা ও শিশু বিষয়ক মন্ত্রণালয়ের আওতাধীন জাতীয় মহিলা সংস্থা কর্তৃক প্রস্তাবিত "গ্রামকেন্দ্রিক নারীদের কর্মসংস্থানমূলক প্রশিক্ষণ" শীর্ষক প্রকল্পের ডিপিপি পর্যালোচনার উদ্দেশ্যে যাচাই কমিটির সভার কার্যবিবরণ।

সভাপতি	: সচিব, মহিলা ও শিশু বিষয়ক মন্ত্রণালয়।
সভার তারিখ	: ২১/০৫/২০২৩ খ্রিঃ।
সভার সময়	: বেলা ১২.০০ ঘটিকা।
স্থান	: মন্ত্রণালয়ের সভাকক্ষ (কক্ষ নং ৩২৩, ৪র্থ তলা, ভবন নং ০৬)
উপস্থিতি	: সভায় উপস্থিত কর্মকর্তাদের তালিকা (পরিশিষ্ট-'ক')।

সভাপতি উপস্থিত সকলকে স্বাগত জানিয়ে সভার কার্যক্রম শুরু করেন। সভাপতির অনুমতিক্রমে মহিলা ও শিশু বিষয়ক মন্ত্রণালয়ের অতিরিক্ত সচিব (পরিকল্পনা, উন্নয়ন ও পরিসংখ্যান) সভার প্রেক্ষাপট বর্ণনা করে বলেন যে, মহিলা ও শিশু বিষয়ক মন্ত্রণালয়ের আওতায় জাতীয় মহিলা সংস্থা কর্তৃক মোট ৩৮,১৭৪.২৮ লক্ষ (তিনশত একাশি কোটি চুয়াতের লক্ষ আটাশ হাজার) (সম্পূর্ণ জিওবি) টাকা প্রাকলিত ব্যয়ে জানুয়ারি, ২০২৩ হতে ডিসেম্বর, ২০২৭ মেয়াদে বাস্তবায়নের জন্য "গ্রামকেন্দ্রিক নারীদের কর্মসংস্থানমূলক প্রশিক্ষণ" শীর্ষক প্রকল্পের ডিপিপি প্রেরণ করা হয়েছে। উক্ত ডিপিপি পর্যালোচনার লক্ষ্যে এ সভার আয়োজন করা হয়েছে। পরবর্তীতে সভাপতির অনুমতিক্রমে উপসচিব, পরিকল্পনা-১ প্রস্তাবিত প্রকল্পের ডিপিপি'র উপর বিস্তারিত পাওয়ার পয়েন্ট সভায় উপস্থাপন করেন।

১। আলোচনাঃ

২.১ উপসচিব, পরিকল্পনা-১ সভাকে জানান যে, আলোচ্য প্রকল্পের প্রধান উদ্দেশ্য হলো, গ্রামকেন্দ্রিক দরিদ্র, সুবিধা-বঞ্চিত, শিক্ষিত বেকার ১,৫০,০০০ জন নারীকে দক্ষতা উন্নয়নমূলক প্রশিক্ষণের মাধ্যমে উৎপাদনমূল্যীকরণক্ষম এবং আত্মনির্ভর করে গড়ে তোলা। প্রকল্পের সুনির্দিষ্ট উদ্দেশ্য হলো দরিদ্র, অসহায় ও দুঃস্থ নারীদের দারিদ্র বিমোচন ও তাদের অর্থনৈতিকভাবে স্বাবলম্বী করে জাতীয় উন্নয়নে পূরুষদের সাথে সম-অংশ গ্রহণ নিশ্চিত করা, প্রশিক্ষিত নারীদের উৎপাদনমূলক এবং চাহিদাভিত্তিক আয়বর্ধনমূলক কর্মে নিয়োজিত করে গৃহে উৎপাদিত দ্রব্যের উৎপাদন বৃক্ষি ও এসব পণ্যের বাজারজাতকরণ সুবিধা সৃষ্টি এবং দক্ষতা উন্নয়ন প্রশিক্ষণের মাধ্যমে নারীকে কর্মসূচি ও উদ্যোগতা হিসাবে গড়ে তোলা এবং নারীর ক্ষমতায়ন, অধিকার, কর্তব্য, নেতৃত্ব ইত্যাদি সৃষ্টি করা। সমগ্র বাংলাদেশে ২০০টি উপজেলায় ১৫ টি ট্রেডে ২০০টি প্রশিক্ষণ কেন্দ্রে প্রশিক্ষণ প্রদানের লক্ষ্যে আলোচ্য প্রকল্পটি প্রস্তাব করা হয়।


২.২ সভায় আরও জানানো হয়, জাতীয় মহিলা সংস্থা কর্তৃক বাস্তবায়নাধীন "নগর ভিত্তিক প্রাণ্তিক মহিলা উন্নয়ন প্রকল্প (২য় পর্যায়)" শীর্ষক ২য় সংশোধিত ডিপিপির মোট প্রাকলিত ব্যয় ৯৯৮৩.০০ কোটি (নিরানৰাই কোটি তিরাশি লক্ষ) টাকা (জিওবি)। প্রকল্পটির অনুমোদিত বাস্তবায়ন মেয়াদকাল ০১ জুলাই ২০১৬ থেকে ৩০ জুন ২০২২ পর্যন্ত। প্রকল্পটির ধারাবাহিকতায় প্রস্তাবিত প্রকল্পের প্রক্রিয়াকরণের লক্ষ্যে সম্ভাব্যতা যাচাই প্রতিবেদন প্রণয়নপূর্বক মোট ৪৩,২৫৭.০০ লক্ষ টাকা প্রাকলিত ব্যয়ে এবং জুলাই, ২০২২ হতে জুন, ২০২৭ মেয়াদে ডিপিপি গত ১৫/০৩/২০২২ তারিখে মন্ত্রণালয়ে পাওয়া যায়। প্রস্তাবিত ডিপিপিতে মোট ৮১৬ জন জনবলের প্রস্তাব করা হয়। গত ০৫/০৮/২০২২ তারিখে মোট ৮১৬ জন জনবলের প্রস্তাব অর্থ বিভাগে প্রেরণ করা হয়। প্রকল্পটির ওপর সচিব মহোদয়ের সভাপতিত্বে গত ১১/০৪/২০২২ তারিখে যাচাই কমিটির সভা অনুষ্ঠিত হয়। পরবর্তীতে মাননীয় প্রধানমন্ত্রীর সভাপতিত্বে গত ১৭/০৫/২০২২ তারিখে অনুষ্ঠিত এনইসি সভার সিদ্ধান্তের আলোকে গত জুন, ২০২২ মাসের বার্ষিক উন্নয়ন কর্মসূচি (এডিপি)-তে অন্তর্ভুক্ত প্রকল্পসমূহের বাস্তবায়ন অগ্রগতি পর্যালোচনা সভায় জাতীয় মহিলা সংস্থা কর্তৃক প্রস্তাবিত 'নগর ভিত্তিক প্রাণ্তিক নারীদের আর্থ-সামাজিক উন্নয়ন' শীর্ষক প্রকল্পটির যথার্থ শিরোনাম প্রদানপূর্বক সবুজ পাতায় অন্তর্ভুক্তির জন্য পরিকল্পনা কমিশনে প্রেরণ করার জন্য সিদ্ধান্ত গৃহীত হয়। এ প্রেক্ষিতে গত ১৪/১২/২০২২ তারিখে "গ্রামকেন্দ্রিক নারীদের কর্মসংস্থানমূলক প্রশিক্ষণ" শীর্ষক শিরোনাম প্রদানপূর্বক ২০২২-২০২৩

অর্থ বছরের বার্ষিক উন্নয়ন কর্মসূচিতে সবুজ পাতায় বরাদ্বিহীনভাবে অননুমোদিত তালিকায় অন্তর্ভুক্তির জন্য পরিকল্পনা কমিশনে প্রকল্পটির সংক্ষিপ্তসার প্রেরণ করা হয়। প্রকল্পটি ২০২২-২০২৩ অর্থ বছরের সংশোধিত বার্ষিক উন্নয়ন কর্মসূচিতে এবং ২০২৩-২০২৪ অর্থ বছরের বার্ষিক উন্নয়ন কর্মসূচিতে সবুজ পাতায় বরাদ্বিহীনভাবে অন্তর্ভুক্ত আছে।

৩। সভায় বিস্তারিত আলোচনা শেষে নিম্নলিখিত সিদ্ধান্তসমূহ গৃহীত হয়ঃ

- ৩.১ একনেক সভার সাথারণ সিদ্ধান্ত এবং সরকারী খাতে উন্নয়ন প্রকল্প প্রণয়ন সংক্রান্ত সর্বশেষ পরিপ্রেক্ষণ মোতাবেক ডিপিপি প্রণয়ন করতে হবে;
- ৩.২ প্রকল্পের বাস্তবায়ন মেয়াদকাল জানুয়ারি, ২০২৩ হতে প্রস্তাব করা হয়েছে; যা বাস্তবতার নিরিখে পুনঃনির্ধারণ করতে হবে;
- ৩.৩ জাতীয় দক্ষতা উন্নয়ন কর্তৃপক্ষ কর্তৃক প্রণীত ট্রেডসমূহের সাথে মিল রেখে ডিপিপিতে প্রশিক্ষণের জন্য প্রস্তাবিত ট্রেডসমূহ অঞ্চলভিত্তিক, কাঁচামাল প্রাপ্তির ভিত্তিতে এবং দেশের বর্তমান চাহিদার প্রেক্ষিতে নাম, বিষয়, সংখ্যা এবং প্রশিক্ষণের মেয়াদকাল পুনঃনির্ধারণ করতে হবে;
- ৩.৪ সেলাই ও এমব্রয়ডারী, ব্লক-বাটিক, সাবান-মোমবাতি ও শোপিস তৈরী ইত্যাদি ট্রেডের প্রশিক্ষণের সংখ্যা কমিয়ে কেয়ার পিভার (বেবী কেয়ার নার্সিং ওল্ড কেয়ার নার্সিং) এবং খাদ্য প্রক্রিয়াজাতকরণ ও মৌসুমি ফল সংরক্ষণ ইত্যাদি ট্রেডের প্রশিক্ষণের সংখ্যা বাড়াতে হবে;
- ৩.৫ প্রকল্পে প্রস্তাবিত জনবলের বিষয়ে অর্থ বিভাগের জনবল নির্ধারণ কমিটির সুপারিশ গ্রহণ করে ডিপিপিতে সংযুক্ত করতে হবে;
- ৩.৬ অর্থ বিভাগ কর্তৃক প্রদত্ত জনবলের সুপারিশ অনুযায়ী জনবলের বেতন ও ভাতাদি পুনঃনির্ধারণ করতে হবে। একইসাথে প্রকল্পে প্রকল্প পরিচালকের জন্য সংস্থানকৃত গাড়ির মূল্য প্রকল্প পরিচালকের গ্রেড/পদবীর ভিত্তিতে পুনঃনির্ধারণ করতে হবে;
- ৩.৭ বৈদেশিক প্রশিক্ষণ/প্টোডি ট্যুর এবং অনুষ্ঠান/ উৎসবাদি (স্থানীয় ও আন্তর্জাতিক বাণিজ্য মেলা) খাতের যৌক্তিকতাসহ সম্ভাব্য এলাকা, সদস্য সংখ্যা সুনির্দিষ্টভাবে ডিপিপিতে উল্লেখ করতে হবে;
- ৩.৮ প্রস্তাবিত ডিপিপিতে টেলিফোন বিল খাতসহ প্রয়োজনীয়া মোবাইল বিল/ভাতার সংস্থান রাখতে হবে;
- ৩.৯ প্রশিক্ষণ কার্যক্রম সরকারি দপ্তরের ভেন্যুতে পরিচালনার করার বিষয়ে ডিপিপিতে উল্লেখ করতে হবে;
- ৩.১০ প্রকল্প বাস্তবায়নকালে জনপ্রতিনিধিদের সম্পর্কতার বিষয়ে ডিপিপিতে উল্লেখ করতে হবে;
- ৩.১১ প্রস্তাবিত ডিপিপিতে প্রতিবেদনসহ বিভিন্ন তথ্য সম্বলিত সুস্পষ্ট ফটোকপি সংযুক্ত করতে হবে;
- ৩.১২ আলোচ্য প্রকল্পের প্রকল্প পরবর্তী পর্যায়ে কি করা হবে (Exit Plan) সে বিষয়ে ১৩নং অনুচ্ছেদে সুস্পষ্ট তথ্য সন্নিবেশ করতে হবে;
- ৩.১৩ ডিপিপিতে প্রস্তাবিত অন্যান্য খাতের ব্যয় ও অর্থনৈতিক পুনঃনিরীক্ষাপূর্বক যৌক্তিক পর্যায়ে নির্ধারণ করতে হবে; এবং
- ৩.১৪ উপরোক্ত সিদ্ধান্তসমূহের প্রতিফলন করে অতি দ্রুত পুনর্গঠিত ডিপিপি মন্ত্রণালয়ে প্রেরণ করতে হবে।

৪। পরিশেষে আর কোন আলোচ্য বিষয় না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।



(মোঃ হাসিমুজ্জামান কংগ্রেস)
সচিব

মহিলা ও শিশু বিষয়ক মন্ত্রণালয়